



BULIG GIKAN SA IBABAW

**TINIPON NI
WATSON GOODMAN**

**WALAY BAYAD,
WALA GUINA BALIGIA**

“BULIG GIKAN SA IBABAW” gin himo nga magamay agud nga madala kag magamit nimo sa mga horas nga naga hulat ikaw sang iban o kon sa salakyan. Gin pamili ang mga Bala-an ng polong sa nang la-in la-in nga mga commentarios sa Bala-an nga mga polong sang Dios, para nga maka hatag sing masanag nga pag hangup sang mensaje sang Dios nga Iya ginhatag pa-agi sa Iya mga polong, nga mabasa naton sa Santa Biblia.

Ang polong sang Dios nag “halin sa ibabaw” matu-od guid nga makabulig sa mga taguiposo-on nga may ka-uhaw kag kagutn sang katarungan. Kon ang tawo mag hinulsul, kag mag biya sang sala, kag mag to-o sa Manluluwas, ang Gino-ong Jesu Cristo, sa bug-os nia nga taguiposo-on, ang Gino-o maga pakita sa iya kag maga pabutyag sang Iya Himaya kag kalinong sa taguiposo-on sang mga tumolo-o. Na pani-iran ko ine sadtong tuig 1937, kag desde sadto tubtub karon wala guid mabugras ining makatilingala nga pag pakig upod sa Gino-o. Guina pangabay nakon kamo sa pag tugyan sang inio kabug-osan sa Iya subong, kon wala pa kamo maka himo sine. — Watson Goodman

ANG GUGMA SANG DIOS

1

Juan 13:1

Karon sa wala pa ang piesta sang Pascua, si Jesus nga nakahibalo nga nag-abut na ang iya takna nga magtaliwan sia sining kalibutan pakadto sa Amay, sang nakahigugma sang mga iya nga yari sa kalibutan, ginhigugma niya sila tubtub sa katapusan.

Bugna 1:5

Kag gikan kay Jesu-Cristo nga saksi nga matutum, ang panganay sang mga patay, kag ang manugdumala sang mga hari sa duta. Sa iya nga nagahigugma sa aton kag naghugas sa aton gikan sa

aton mga sala bangud sang iya dugo.

Mga Taga-Roma 5:8

Apang ang Dios nagapakilala sang iya kaugalingon nga gugma sa aton nga sang mga makasasala pa kita si Cristo napatay tungud sa aton.

Juan 3:16

Kay ginhigugma gid sang Dios ang kalibutan sa bagay nga ginbatag niya ang iya bugtong nga Anak, agud nga ang bisan sin-o nga magtoo sa iya indi mawala kondi may kabuhi nga walay katapusan.

2 ANG PAG KA DIOS NI CRISTO JESUS

Juan 1:1 kag 14

Sa ginsuguran amo ang Polong, kag ang Polong kaupud sa Dios, kag ang Polong Dios. . . Kag ang Polong nangin-unud kag nagpuyo sa tunga naton, puno sang bugay kag kamatooran; nakita naton ang iya himaya, ang himaya nga iya sang bugtong nga Anak sang Amay.

1 Timoteo 3:16

Sa pagkamatuud, nagatu-ad kita, daku ang tinago sang aton pagtoloohan: Ang Dios napahayag sa unud, ginpakamatarung sa Espiritu, nakita sang mga manugtunda, ginwali sa tunga sang mga

Gentil, gintoohan sa kalibutan, ginbayaw sa himaya.

Juan 14:7-10a

“Kon nakakilala kamo sa akon, nakakilala kamo kuntani sa akon Amay man; kutub karon nakilala ninyo sia kag nakita sia.” Si Felipe nagsiling sa iya, “Ginoo, ipakita sa amon ang Amay, kag tuman na sa amon.” Si Jesus nagsiling sa iya, “Kadugay na sa akon kaupud ninyo, kag wala ka makakilala sa akon, Felipe? Ang nakakita sa akon nakakita sa Amay; paano nga nagsiling ka, ‘Ipakita sa amon ang Amay’? Wala ka bala nagatoo nga ako sa Amay kag ang Amay sa akon?”

SI JESUS, ANG ANAK SANG DIOS

3

Lucas 1:35

Kag ang manugtunda nagsabat sa iya, "Ang Espiritu Santo magakara sa imo, kag ang gahum sang Labing Mataas magalandong sa imo; gani ang bata nga matawo sa imo tawgon nga balaan, ang Anak sang Dios.

Isaias 9:6

Kay sa aton natawo ang isa ka bata, sa aton ginhatag ang isa ka anak nga lalaki; kag ang pagbulut-an manginsa iya abaga, kag tawgon ang iya ngalan "Makatingala nga Manuglaygay, Dios nga Gambanan, Amay nga Nagapadayon, Principe sang Paghidait."

1 Juan 4:15

Ang bisan sin-o nga magtu-ad nga si Jesus Anak sang Dios, ang Dios nagapabilin sa iya, kag sia sa Dios.

Mga Taga-Colosas 2:9

Kay sa iya nagapuyo sing lawasnon ang bilog nga kabug-osan sang pagka-Dios.

Mateo 17:5

Sang nagapakighambal pa sia, yari karon, isa ka panganud nga masiga naglikop sa ila, kag may tingug gikan sa panganud nga nagsiling, "Ini hinigugma kong Anak, nga sa iya nahamuut ako; pamati kamo sa iya."

4 SI JESUS NAGA SUGID KON SIN-O SIA

Juan 11:25

Si Jesus nagsiling sa iya, “Ako ang pagkabanhaw kag ang kabuhi; ang nagatoo sa akon, bisan mapatay sia, apang magakabuhi.”

Juan 13:13

“Kamo nagatawag sa akon Manunudlo kag Ginoo; kag busto ang ginasiling ninyo, kay amo ako.”

Juan 4:25, 26

Ang babayi nagsabat sa iya, “Nakahibalo ako nga ang Mesias nagakari (sia nga ginatawag Cristo); kon sia mag-abut, magapahayag sia sa aton sang tanan nga

butang.” Si Jesus nagsiling sa iya, “Ako nga nagapakighambal sa imo amo sia.”

Juan 6:35

Si Jesus nagsiling sa ila, “Ako amo ang tinapay nga nagahatag sang kabuhi; ang nagakari sa akon indi paggutumon, kag ang nagatoo sa akon indi na gid paguhawon.”

Juan 10:7

Gani si Jesus nagsiling sa ila liwat, “Sa pagkamatuud, sa pagkamatuud, nagasiling ako sa inyo, ako ang ganhaan sang mga carnero.”

ANG MILAGRO NGA GIN BUHAT NI JESUS 5

Lucas 5:5, 6

Kag si Simon nagsabat, “Mag-totoon, sa bug-os nga gab-i nag-pangabudlay kami, kag wala gid sing nadakup! Apang sa imo po-long iladlad ko ang mga pukot.” Kag sang nahimo nila ini, naka-sakup sila sing daku nga luta sang mga isda; kag sang nagakagisi ang ila mga pukot.

Mateo 14:19-21

Niyan nagsogo sia sa mga kadam-an nga maglingkod sa hilamon; kag sang nagakuha sang lima ka tinapay kag sang duha ka isda naghanged sia sa langit, kag ginpakamaayo, kag gintipik-

tipik kag ginhatag ang mga tinapay sa mga gintoton-an, kag ang mga gintoton-an naghatag sini sa mga kadam-an. Kag nagkalaon sila tanan kag nabusug. Kag ginhimos nila ang napulog duha ka alat nga puno sang mga tinipik nga nabilin. Kag ang mga nagkalaon may mga lima ka libo ka lalaki, walay labut ang mga babayi kag kabataan.

Mateo 20:30, 34

Kag yari karon, may duha ka bulag nga nagalingkod sa higad sang dalan... Kag si Jesus nga nalooy nagtandug sang ila mga mata, kag sa gilayon nakakita sila kag nagsonod sila sa iya.

6 SI CRISTO JESUS MAG BUBUHAT KAG GINO-O

Mga Taga-Roma 14:9

Kay sa sining katuyoan napatay si Cristo kag nabuhi liwat, agud nga mangin-Ginoo sia sang mga patay kag sang mga buhi.

Mga Binuhatan 2:36

“Busa kilalahon sing totoo gid sang bug-os nga panimalay sang Israel nga ang Dios naghimo sa iya nga Ginoo kag Cristo, ining Jesus nga ginlansang ninyo sa cruz.”

Mga Taga-Colosas 1:16

Kay sa iya gintuga ang tanan nga butang, sa langit kag sa duta, ang makita kag ang dimakita,

bisan mga trono ukon mga ka-ginoohan ukon mga punoan ukon mga pagbulut-an—ang tanan nga butang natuga paagi sa iya kag tungud sa iya.

Mga Hebreo 1:2

Dios . . . apang sa sining olihi nga mga adlaw naghambal sia sa aton paagi sa Anak, nga ginhimo niya nga manunubli sang tanan nga butang, nga paagi sa iya man gintuga niya ang kalibutan.

Juan 1:3

Ang tanan nga butang ginhimo niya, kag sa wala sia walay bisan ano nga nahimo sang ginhimo.

SI JESU CRISTO AMO ANG HUKUM SANG TANAN

7

2 Timoteo 4:1

Ginatulinan ko ikaw sa atubangan sang Dios kag ni Cristo Jesus nga magahukom sa mga buhi kag mga patay, kag bangud sa iya pagpahayag kag sa iya ginharian.

Mateo 25:32

“Tiponon sa atubangan niya ang tanan nga pungsud, kag painpainon niya sila subong sang manugpahalab nga nagapain sang mga carnero sa mga kanding.”

Mga Taga-Roma 14:10

Ngaa bala nagahukom ka sa imo utud? Ukon ikaw, ngaa bala

nagatamay ka sang imo utud? Kay tanan kita magaatubang sa lingkoran nga hukmanan sang Dios.

Mga Binuhatan 10:42

“Kag gintugnan niya kami sa pagwali sa katawohan, kag sa pagpanaksi nga ini sia amo ang gintangdoan sang Dios nga hukom sang mga buhi kag sang mga patay.”

Mga Taga-Roma 2:16

Sa sadtong adlaw nga ang Dios magahukom sang mga tinago sang mga tawo paagi kay Jesu-Cristo, sono sa akon maayong balita.

8 ANG PAG TUBUS PA-AGI LAMANG KAY JESUS

Juan 8:24

“Nagsiling ako sa inyo nga magakalapatay kamo sa inyo mga sala, kay kon indi kamo magtoo nga ako amo sia magakalapatay kamo sa inyo mga sala.”

Juan 14:6

Si Jesus nagsiling sa iya, “Ako amo ang dalan, kag ang kamatoran, kag ang kabuhi; walay nagaabut sa Amay, kondi paagi sa akon.”

Mga Hebreo 7:25

Gani sarang sia sa tanan nga tion sa pagluwas sa ila nga nagapalapit sa Dios paagi sa iya, sanglit nagakabuhi sia gihapon sa pagpatunga nga nagatabang sa ila.

Mga Hebreo 5:9

Kag sang nahimpit sia nang-inginhalinan sang kaluwasan nga dayon sa tanan nga nagatuman sa iya.

Mga Binuhatan 4:12

“Kag walay kaluwasan sa bisan kay sin-o nga iban, kay walay iban nga ngalan sa idalum sang langit nga ginhatag sa mga tawo nga paagi sa iya kinahanglan kita maluwas.”

Juan 10:9

“Ako amo ang ganhaan; kon ang bisan sin-o nga tawo magsulud paagi sa akon, maluwas sia, kag magasulud kag magagowa kag makakita sing halalbon.”

ANG PAG TUBUS PA-AGI LAMANG KAY JESUS 9

Bugna 5:9

Kag nagaamba sila sing bagong ambahanon, nga nagasiling, “Takus ka sa pagkuha sang tolon-an nga linokot kag sa paghukas sang iya mga pat-in, kag gin-ihaw ka kag gintubus mo sa Dios sang imo kaugalingon nga dugo ang mga tawo sa tagsa ka kabikahan kag hambal kag katawohan kag pungsud.”

Tito 2:14

Nga naghatag sang iya kaugalingon tungud sa aton sa pagtubus sa aton gikan sa tanan nga kalautan kag sa pagtinlo nga sa iya kaugalingon sang katawohan nga

iya nga makugi sa maayong mga buhat.

Mga Taga-Colosas 1:12-14

Nga nagapasalamat sa Amay, nga nagpakatakus sa aton sa pagambit sang panublion sang mga balaan sa kapawa. Sia nagluwas sa aton gikan sa gahum sang kadudulman kag nagpaliton sa aton sa ginharian sang iya hinigugma nga Anak, nga sa iya gintubus kita paagi sa kapatawaran sang aton mga sala.

Lucas 19:10

“Kay ang Anak sang tawo nagkari sa pagpangita kag sa pagluwas sang nadula.”

10 ANG PAG HUGAS SANG DUGO NI CRISTO

Mga Taga-Roma 5:9, 11

Busa, sanglit karon ginpakamatarung kita paagi sa iya dugo, labi pa nga maluwas kita sa kasingkal sang Dios paagi sa iya. . . Indi lamang ina, kondi kita man naga-himaya sa Dios paagi sa aton Ginoong Jesu-Cristo, nga paagi sa iya nabaton ta karon ang pag-pasag-uli.

Mga Hebreo 9:14

Daw ano pa gid ang dugo ni Cristo, nga paagi sa Espiritu nga dayon naghalad sang iya kaugalingon nga walay dagta sa Dios, nga makatinlo sang inyo kaisipan gikan sa patay nga mga buhat sa pag-alagad sa Dios nga buhi.

1 Pedro 1:18, 19

Kamo nakahibalo nga gintubus kamo, indi sang madinulunton nga mga butang subong sang pilak ukon bulawan, gikan sa walay pulus ninyo nga paggawi nga napanubli gikan sa inyo mga ginikanan, kondi sang hamiling dugo ni Cristo, subong sang cordero nga walay kasawayan kag walay dagta.

1 Juan 1:7

Apang kon nagalakat kita sa kapawa, subong nga sia yara sa kapawa, may paghiambitay kita, kag ang dugo ni Jesus nga iya Anak nagatinlo sa aton sa tanan nga sala.

KALUWASAN SA PAG TO-O KAY CRISTO

11

Mga Taga-Roma 5:1

Busa, sanglit ginpakamatarung kita paagi sa pagtoo, may paghidait kita sa Dios paagi sa aton Ginoong Jesu-Cristo.

Juan 20:31

Apang ini sila nasulat agud nga magtoo kamo nga si Jesus amo ang Cristo, ang Anak sang Dios, kag sa pagtoo may kabuhi kamo sa iya ngalan.

Mga Taga-Efeso 2:8, 9

Kay bangud sa bugay naluwas kamo paagi sa pagtoo; kag ini indi inyo kaugalingon nga buhat, ini amo ang dolot sang Dios—indi bangud sa mga buhat, basi ang bisan sin-ong tawo magpabugal.

Mga Taga-Galacia 5:6

Kay sa kay Cristo Jesus ang circuncision ukon ang dicircuncision walay bisan ano nga kapuslanan; kondi ang pagtoo nga naghikot paagi sa gugma.

Juan 6:28, 29

Niyan nagsiling sila sa iya, “Ano bala ang dapat namon himoon, agud mabuhat namon ang buluhaton sang Dios?” Si Jesus nagsabat sa ila, “Amo ini ang buluhaton sang Dios, nga magtoo kamo sa ginpadala niya.”

Mga Binuhatan 16:31

Kag nagsabat sila, “Magtoo kay Ginoong Jesus, kag maluwas ka, ikaw kag ang imo panimalay.”

Mga Salmo 103:11

Kay subong nga ang mga langit mataas labaw sa duta, amo kada-ku ang iya malig-on nga paghigugma ayon sa mga nagakahadluk sa iya.

Mga Salmo 103:17

Apang ang malig-on nga paghigugma sang GINOO kutub sa gihapon tubtub sa gihapon sa mga nagakahadluk sa iya, kag ang iya pagkamatarung tubtub sa mga anak sang mga anak.

Mga Panalabiton 3:22, 23

Ini gikan sa malig-on nga paghigugma sang GINOO nga wala kita pagpapasa, bangud nga ang iya mga kalooy wala nagauntat;

bag-o sila agaaga; daku ang imo pagkatutum.

Miqueas 7:18

Sin-o bala nga Dios ang kaangay sa imo, nga nagapatawad sang kalautan kag nagaligad sa paglalis sang nabilin sang iya panublion? Wala sia nagahuput sing dayon sang iya kaakig bangud nga nagakahamuut sia sa malig-on nga paghigugma.

Tito 3:5

Ginluwas niya kita indi bangud sa mga buhat nga aton nahimo sa pagkamatarung, kondi sa gahum sang iya kalooy, paagi sa panghugas sang bag-ong pagkatawo kag pagbag-o sa Espiritu Santo.

ANG DIOS NAGA AGDA SA ATON SA PAG KARI SA IYA

13

Isaias 1:18

“Kari karon, kag magbais kita sing tingub, nagasiling ang GI-NOO: bisan ang inyo mga sala subong sang escarlata, manginmaputi sila subong sang nieve; bisan mapula sila subong sang carmesi, manginsubong sila sang maputi nga bulbul.”

Mateo 11:28, 29

“Kari sa akon, tanan kamo nga ginabudlayan kag ginabug-atan, kag papahuwayon ko kamo. Itakud ang akon gota sa inyo, kag magtoon kamo sa akon; kay ako mapainubuson kag malolo sa tagi-

posoon, kag makakita kamo sing kapahuwayan sa inyo mga kalag.”

Isaias 55:1

“Ho, ang tagsatagsa nga ginauhaw, kari kamo sa mga tubig; kag ang wala sing cuarta, kari kamo, magbakal kag magkaon! Kari, magbakal sing alak kag gatas sa wala sing cuarta kag sa wala sing bili.”

Juan 7:37

Sa katapusan nga adlaw sang piesta, ang dakung adlaw, si Jesus nagtindug kag nagpahayag, “Kon ang bisan sin-o ginauhaw, magkari sia sa akon kag mag-inum.”

INDE KAY ANG TANAN NGA MGA TAWO MGA ANAK SANG DIOS

1 Juan 3:10

Sa sini ginapahayag ang mga anak sang Dios, kag ang mga anak sang yawa: ang bisan sin-o nga wala nagahimo sing mata-rung indi iya sang Dios, amo man ang wala nagahigugma sang iya utud.

2 Mga Taga-Corinto 6:17, 18

“Busa gowa kamo sa tunga ni-la, kag magpain kamo gikan sa ila, nagasiling ang Ginoo, kag dili kamo magtandug sang dimatinlo nga butang; niyan batonon ko ka-mo, kag mangin-inyo Amay ako, kag kamo mangin-akon mga anak

nga lalaki kag mga anak nga ba-bayi, nagasiling ang Ginoong Makaako.”

Mga Taga-Filipos 2:15

Agud nga mangindisalawayon kamo kag walay daya, nga mga anak sang Dios nga walay kasa-wayan sa tunga sang kaliwatan nga tiko kag balingag, nga sa tunga nila nagasiga kamo subong nga mga sulu sa kalibutan.

Juan 1:12

Apang sa tanan nga nagbaton sa iya, nga nagtoo sa iya ngalan, ginhatagan sila niya sing gabum sa pagkamangin-anak sang Dios.

ANO ANG SILING SANG DIOS NATUNGUD 15 SA MAKAHULUBOG NGA ILMNON

Mga Taga-Roma 13:13, 14

Maggawi kita sing nagakaigo subong nga sa adlaw, indi sa magansal nga kinalipay kag paghinobog, indi sa patuyang kag kalawayan, indi sa inaway kag pangimon. Kondi isuklub ninyo si Ginoong Jesu-Cristo, kag dili kamo magpanigana nga sa unud, sa pagtuman sang mga kailigbon sini.

Mga Taga-Galacia 5:19-21

Karon hayag ang mga buhat sang unud, nga amo: pagkamakihlawason, pagkahigko, pagkauлаг, pagkadiwatahan, pagkababay-

lan, kaawayon, pagpinuyas, kaimon, kasingkal, pagbinahinbahin, katuhaytuhayan, herejia, pagkahisa, paghoboghobog, magansal nga kinalipay, kag ang kaangay sini. Ginapaadaman ko kamo, subong nga ginpaandaman ko kamo, nga ang nagahimo sang amo nga mga butang indi makapanubli sang ginharian sang Dios.

Isaias 5:11

Kailo sa mga nagabangon sing aga pa, agud nga makasonod sila sa masingkal nga ilimnon, nga nagapabilin sing gab-i na tubtub nga mapainit sila sang alak!

ANG PAG KA MAMINATUD-ON LAMANG INDE TUMAN

Mateo 22:37,38

Kag nagsabat sia sa iya, "Higugmaa ang Ginoo nga imo Dios sa bug-os mong tagiposoon, kag sa bug-os mong kalag, kag sa bug-os mong hunahuna. Ini amo ang daku kag nahaunang sogo."

... "Manunudlo nga maayo, ano bala ang akon himoon agud mapanubli ko ang kabuhi nga walay katapusan?" Kag si Jesus nagsiling sa iya, "Ngaa bala nga ginatawag mo ako nga maayo? Wala gid sing maayo kondi ang Dios lamang. Nahibaloan mo ang mga sogo: 'Dili ka magpatay, Dili ka magpanglahi, Dili ka mag-

pangawat, Dili ka magsaksi sing dimatuud, Dili ka maglimolimo, Tahora ang imo amay kag iloy.'"

Kag nagsiling sia sa iya, "Manunudlo, tanan ini nabantayan ko kutub sa akon pagkapamatan-on." Kag si Jesus nga nagatolok sa iya naghigugma sa iya, kag nagsiling sa iya, "Isa ka butang ang nakulang sa imo; lakat ka, ibaligya ang pagabutang mo, kag ihatag sa mga imol, kag may bahandi ka sa langit; kag kari, magsonod sa akon." Apang naholog ang iya nawung sa sining polong, kag nagtaliwan sia nga masinulub-on... Marcos 10:17b-22a

Santiago 1:22

Apang magmanugtuman kamo sang polong, kag dili manugpalamati lamang, nga nagadaya sang inyo kaugalingon.

1 Mga Taga-Corinto 6:9, 10

Wala bala kamo makahibalo nga ang mga dimatarung indi makapanubli sang ginharian sang Dios? Dili kamo magtalang; bisan ang mga makihilawason, ukon mga diwatahan, ukon mga makihilahion, ukon babayinhon, ukon mga sodomanhon, ukon mga makawat, ukon mga mahamkonon, ukon mga palahobog, ukon mga mapasipalahon, ukon mga malu-

gus indi makapanubli sang ginharian sang Dios.

1 Juan 3:7, 8a

Mga anak, indi kamo pagpatalangon ni bisan sin-o. Ang naghimo sing matarung amo ang matarung, subong nga sia matarung. Ang nagapakasala iya sang yawa; kay ang yawa nagapaksala kutub sa ginsuguran.

Mga Taga-Efeso 5:6

Walay tawo nga magdaya sa inyo sa mga polong nga walay pulus, kay bangud sining mga butang nagaabut ang kasingkal sang Dios sa mga anak sang pagkadi-matinumanon.

18 ANG SALA NAGA DALA SING KAMATAYON

Mga Taga-Roma 8:6

Kay ang paghunahuna sono sa unud kamatayon, apang ang paghunahuna sono sa Espiritu kabuhi kag paghidait.

Mga Taga-Roma 5:12

Busa subong nga paagi sa isa ka tawo nagsulud ang sala kalibutan kag paagi sa sala ang kamatayon, kag gani ang kamatayon naglaton sa tanan nga tawo kay ang tanan nakasala.

Santiago 1:15

Niyan ang kailigbon kon nakapanamkon nagapanganak sing sala; kag ang sala kon maggulang nagapamunga sing kamatayon.

Ezequiel 18:20

“Ang kalag nga nagapakasala mapatay. Ang anak indi mag-antus sang kalautan sang amay, kag ang amay indi mag-antus sang kalautan sang anak; ang pagkamarung sang matarung manginsa iya, kag ang pagkamalaut sang malauton manginsa iya.”

Lucas 15:32

“Dapat kita magkasadya kag magkalipay, kay ining imo utud napatay, kag nabuhi; nadula sia, kag nakita.”

Mga Hulubaton 11:19

Ang malig-on sa pagkamatarung mabuhi, apang ang nagasonod sang malaut mapatay.

SI CRISTO NAG DA-UG SANG KAMATAYON 19

Lucas 7:14, 15a

Kag nagpalapit sia kag nagtandug sang liyaliya, kag ang mga nagadala nagdolog. Kag nagsiling sia, “Pamatan-on, nagsiling ako sa imo, bangon ka.” Kag ang patay nagbangon, kag nagsugud sa paghambal.

Bugna 1:18

“Kag ang nagakabuhi; napatay ako, kag yari karon nagakabuhi ako sa gihapon, kag yari sa akon ang mga yabi sang Kamatayon kag Hades.”

Juan 10:17, 18

“Busa ang Amay nagahigugma sa akon, bangud nga ako nagaha-

tag sang akon kabuhi, agud nga mabawi ko ini. Walay nagakuha sini sa akon, kondi ginahatag ko ini sing kanaugalingon. Ako may gahum sa paghatag sini, kag ako may gahum sa pagbawi sini; ining sogo nabaton ko sa akon Amay.”

Juan 11:43, 44

Sang nakapamolong sia sini, nagsinggit sia sa mabaskug nga tingug, “Lazaro, gowa ka.” Ang tawong patay naggowa, nga nasamburan sa mga kamut kag mga tiil sang mga isalambud nga sa lubung, kag ang iya nawung naputus sing panyo. Si Jesus nagsiling sa ila, “Hubari sia, kag palakta.”

Deuteronomio 5:7-21

“Dili ka maghuput sing iban nga mga dios sa atubangan ko.

“Dili ka maghimo nga sa imo sing larawan nga tinig ban, ukon ano nga kaangay sang bisan ano nga butang nga yara sa langit sa ibabaw, ukon yara sa duta sa idalum, ukon sa tubig sa idalum sang duta; dili ka magyaub sa ila ukon mag-alagad sa ila. . .

“Dili mo paggamiton ang ngalan sang GINOO nga imo Dios sa walay kapuslanan: kay indi pagkabigon sang GINOO nga walay sala ang nagagamit sang iya ngalan sa walay kapuslanan.

“Bantayi ang adlaw nga inugpa-

huway, sa pagpakabalaan sini, sono sa ginsogo sa imo sang GINOO nga imo Dios. Sa anum ka adlaw magpangabudlay ka, kag maghimo sang tanan mong buluhaton; apang ang ikapitong adlaw inugpahuway sa GINOO nga imo Dios. . .

“Tahora ang imo amay kag ang imo iloy, subong sang ginsogo sa imo sang GINOO nga imo Dios.

“Dili ka magpatay.

“Kag dili ka magpanglahi.

“Kag dili ka magpangawat.

“Kag dili ka magsaksi sing dimatuud batok sa imo isigkatawo.

“Kag dili ka magkaibog sang asawa sang imo isigkatawo; kag

dili ka magkaibog sang balay sang imo isigkatawo, sang iya latagon, ukon sang iya alagad nga lalaki, ukon sang iya alagad nga babayi,

sang iya baka nga lalaki, ukon sang iya asno, ukon bisan anong butang nga iya sang imo isigkatawo.”

INDE IKAW MAKAPANAGO SA DIOS 21

Lucas 8:17

“Kay walay bisan anong natago nga indi mapahayag, ukon tinago nga indi mahibaloan kag masanagan.”

Mga Salmo 139:8 kag 12

Kon magsaka ako sa langit, yadto ka didto! Kon maghigda ako sa Sheol, yadto ka didto! . . . bisan ang kadudulman wala nagalipud sa imo, ang kagab-ihon nagabanaag subong sang adlawon;

ang kadudulman kag ang kapawa alangay sa imo.

Jeremias 23:24

“May makapanago bala sa tago nga mga duug agud nga indi ko makita sia? nagasiling ang GINOO. Wala ko bala ginapuno ang langit kag ang duta? nagasiling ang GINOO.”

Mga Hulubaton 15:3

Ang mga mata sang GINOO yara sa tagsa ka duug, nga nagabantay sang malaut kag maayo.

WALAY KATUBTUBAN NGA SILOT SA MGA INDE DIOSNON

Mateo 25:46

“Kag ini sila magakadto sa silot nga walay katapusan, apang ang mga matarung sa kabuhi nga walay katapusan.”

Mateo 13:41, 42

“Magapadala ang Anak sang tawo sang iya mga manugtunda, kag kuhaon nila sa iya ginharian ang tanan nga butang nga nagapasandad kag ang nagahimo sing kalautan. Kag idap-ung sila sa horno nga may kalayo; didto ang mga tawo magahibi kag magabagrut sang ila mga ngipon.”

Mateo 18:8

“Kag kon ang imo kamut ukon ang imo tiil nagapasandad sa imo, utda ini kag ihaboy; maayo pa sa imo nga magsulud sa kabuhi nga kimpol ukon piang sang sa may duha ka kamut ukon duha ka tiil nga idap-ung sa kalayo nga dayon.”

2 Pedro 3:7

Apang sa amo nga polong ang mga langit kag ang duta nga amo karon gintigana sa kalayo, nga ginatipigan nga sa adlaw sang paghukom kag kalaglagan sang mga tawo nga didiosnon.

ANG PAG HUKOM NAGA ABUT

23

Bugna 20:12

Kag nakita ko ang mga patay, ang dalagku kag magamay, nga nagatindug sa atubangan sang tro-
no, kag ang mga tolon-an ginbu-
kad. Ang isa na man ka tolon-an
ginbukad, nga amo ang tolon-an
sang kabuhi. Kag ang mga patay
ginhukman bangud sa nasulat sa
mga tolon-an, sono sa ila binuha-
tan.

Mga Taga-Roma 14:12

Gani ang tagsatagsa sa aton ma-
gahatag sing husay sang iya kau-
galingon sa Dios.

Mga Hebreo 9:27

Kag sa bagay nga gintangdo sa
mga tawo nga mapatay sing ma-

kaisa, kag sa tapus sina ang pag-
hukom.

Mga Binuhatan 17:31

“Bangud nga nagtangdo sia
sing isa ka adlaw nga hukman ni-
ya ang kalibutan sa pagkamata-
rung paagi sa tawo nga iya gin-
tangdoan, kag nahanungud sini
nakahatag sia sing kalig-onan sa
tanang nga tawo paagi sa pagban-
haw niya sa iya.”

2 Mga Taga-Corinto 5:10

Kay kinahanglan kita tanan i-
pahayag sa atubangan sang ling-
koran nga hukmanan ni Cristo,
agud nga ang tagsatagsa magba-
ton sing maayo ukon malain, sono
sa iya nahimo sa lawas.

24 ANG BUGANA NGA BUGAY NI CRISTO JESUS

2 Mga Taga-Corinto 8:9

Kay nahibaloan ninyo ang bugay sang aton Ginoong Jesu-Cristo, nga bisan manggaranon sia, nangin-imol sia tungud sa inyo, agud nga paagi sa iya pagkaimol mangin-manggaranon kamo.

Mga Binuhatan 4:33

Kay sa daku nga gahum nagpanaksi ang mga pinadala sa pagkabanhaw ni Ginoong Jesus, kag daku nga bugay ang yara sa ila tanan.

2 Mga Taga-Corinto 9:15

Salamat sa Dios tungud sang iya dimamitlang nga dolot!

Mga Taga-Roma 5:15

Apang ang bunayag nga dolot tuhay sa paglapas. Kay kon paagi sa paglapas sang isa napatay ang madamu, labi pa ang bugay sang Dios kag ang bunayag nga dolot sa bugay sinang isa ka tawo nga si Jesu-Cristo nagbugana sa madamu.

Mga Taga-Roma 9:16

Gani indi sa pagbuut ukon pagpanikasug sang tawo, kondi sa kalooy sang Dios.

1 Pedro 5:5b

. . . “Ang Dios nagasumpung sang mga bugalon, apang nagabugay sa mga mapainubuson.”

Mateo 3:2

“Hinulsul kamo, kay ang gin-harian sang langit malapit na.”

2 Mga Taga-Corinto 7:10

Kay ang diosnon nga kasubo nagahikot sing paghinulsul nga sa kaluwasan kag wala nagadala sing nulsul, apang ang kasubo nga kalibutanon nagahikot sing kamatayon.

Ezequiel 18:31

“Ipilak gikan sa inyo ang tanan ninyong paglalis diin kamo naglalis, kag maghimo nga sa inyo sing bag-ong tagiposoon kag bag-ong espiritu! Ngaa bala mapatay kamo, O panimalay sang Israel?”

Mga Binuhatan 3:19

“Busa hinulsul kamo, kag mag-liso, agud mapanas ang inyo mga sala, kag mag-abut ang mga pagon sang pagpaumpaw gikan sa atubangan sang Ginoo.”

Mga Binuhatan 17:30

“Ang mga tion sang pagkapakuk ginlaktawan sang Dios, apang karon sia nagatugon sa mga tawo nga sila tanan bisan diin maghinulsul.”

Lucas 13:3

“Nagasiling ako sa inyo, Indi; apang kon indi kamo maghinulsul tanan kamo mapatay man.”

26 ANG KAPATAWARAN SANG MGA SALA

Marcos 2:5

Kag sang nakita ni Jesus ang ila pagtoo, nagsiling sia sa paralitiko, “Anak ko, ginapatawad ang imo mga sala.”

Isaias 55:7

“Magbiya ang malauton sang iya dalanon, kag ang dimatarung nga tawo sang iya mga painoino; magbalik sia sa GINOO, kag sia magakalooy sa iya, kag sa aton Dios, kag sia magapatawad sing bugana.”

Ezequiel 18:21

“Apang kon ang malauton magtalikod sa tanan niyang sala nga nahimo kag magbantay sang

tanan nakon nga palatukuran kag maghimo sang sono sa kasogoan kag katadlongan, sa pagkamatuud magakabuhi sia; indi sia mapatay.”

Bugna 3:20

“Yari karon, nagatindug ako sa ganhaan kag nagapanuktuk; kon ang bisan sin-o magpamati sang akon tingug kag magbukas sang ganhaan, magasulud ako sa iya kag magapanihapon kaupud niya, kag sia kaupud nakon.”

Mateo 6:14

“Kay kon patawaron ninyo ang mga tawo sang ila mga paglapas, ang inyo langitnon nga Amay magapatawad man sa inyo.”

PAG PAHILAYO SA SALA NGA KALIBUTANON 27

Mga Taga-Efeso 5:11

Dili kamo magpakig-ambit sa dimabungahon nga mga buhat sang kadudulman, kondi hinonoo sabdonga sila.

Isaias 1:16

“Panghugas kamo; paninlo kamo; isikway ang malaut nga mga buhat ninyo sa atubangan sang akon mga mata; mag-untat sa paghimo sing malaut.”

1 Juan 2:15, 16

Dili ninyo paghigugmaon ang kalibutan ukon ang mga butang nga yara sa kalibutan. Kon ang bisan sin-o nagahigugma sang ka-

libutan, ang gugma tungud sa Amay wala sa iya. Kay ang tanan nga yara sa kalibutan, ang kailigbon sang unud kag ang kailigbon sang mga mata kag ang bugal sang kabuhi, indi iya sang Amay kondi iya sang kalibutan.

Tito 2:11, 12

Kay ang bugay sang Dios nagpahayag nga sa kaluwasan sang tanan nga tawo, nga nagatudlo sa aton nga magsikway sang pagkaddiosnon kag kalibutanon nga mga kailigbon, kag magkabuhi sang but-anan, matarung, kag diosnon nga mga kabuhi sa sining kalibutan.

Juan 3:3

Si Jesus nagsabat sa iya, "Sa pagkamatuud, sa pagkamatuud, nagasiling ako sa imo, kon ang isa indi matawo liwat, indi sia makakita sang ginharian sang Dios."

1 Juan 5:18

Nahibaloan ta nga ang bisan sin-o nga natawo sa Dios wala nagapakasala, apang Sia nga natawo sa Dios nagtipig sa iya, kag ang malauton wala nagatandug sa iya.

2 Mga Taga-Corinto 5:17

Busa, kon ang bisan sin-o nga tawo yara kay Cristo, bag-o sia

nga tinuga; ang daan nagtaliwan, yari karon, ang tanan nanginbag-o.

1 Pedro 1:23

Natawo kamo liwat, indi sa madinulunton nga binhi kondi sa dimadinulunton, paagi sa buhi kag nagapadayon nga polong sang Dios.

Ezequiel 36:26

"Hatagan ko kamo sing bag-ong tagiposoon, kag ibutang ko ang espiritu nga bag-o sa sulud ninyo; kag kuhaon ko ang tagiposoon nga batobatohon gikan sa inyo unud kag hatagan ko kamo sing tagiposoon nga unud."

NAMATAY SA SALA — NABANHAW SA KAY CRISTO

29

Mga Taga-Colosas 3:1

Niyan kon nabanhaw kamo upud kay Cristo, pangitaa ang mga butang sa ibabaw, diin si Cristo, nga nagalingkod sa too sang Dios.

Mga Taga-Galacia 5:24

Kag ang mga yara kay Cristo Jesus naglansang sang unud sa cruz kaupud sang iya balatyagon kag mga kailigbon.

Mga Taga-Roma 6:2 kag 11

Kita nga napatay sa sala paano bala ang pagkabuhi pa naton sa sini? . . . Gani man kabiga ninyo ang inyo kaugalingon nga patay

sa sala apang buhi sa Dios sa kay Cristo Jesus.

Mga Taga-Efeso 2:1 kag 6

Kag ginbuhi niya kamo, sang patay kamo bangud sa mga paglapas kag mga sala. . . kag ginbanhaw kita kaupud niya, kag ginpalingkod kita kaupud niya sa langitnon nga mga duug kay Cristo Jesus.

1 Pedro 2:24

Sia gid nagdala sang aton mga sala sa iya lawas sa kahoy, agud nga kita mapatay sa sala kag magkabuhi sa pagkamatarung. Bangud sang iya mga pilas nag-ayo kamo.

Mga Taga-Roma 6:23

Kay ang bayad sang sala kamatayon, apang ang bunayag nga dolot sang Dios kabuhi nga walay katapusan kay Cristo Jesus nga aton Ginoo.

Mga Taga-Galacia 6:8

Kay ang nagasab-ug sa iya kaugalingon nga unud magaani sing kaduluntan gikan sa unud; apang ang nagasab-ug sa Espiritu magaani sing kabuhi nga dayon gikan sa Espiritu.

Juan 5:24

“Sa pagkamatuud, sa pagkamatuud, nagasiling ako sa inyo, ang nagapamati sang akon polong kag nagatoo sa nagpadala sa akon,

may kabuhi nga walay katapusan; indi sia paghukman, kondi naglaton gikan sa kamatayon pa kabuhi.”

Juan 3:14, 15

“Kag subong nga si Moises nagbayaw sang man-ug sa kamingawan, kinahanglan man pagbayawon ang Anak sang tawo, agud nga ang bisan sin-o nga magtoo sa iya may kabuhi nga walay katapusan.”

Juan 17:3

“Kag ini amo ang kabuhi nga walay katapusan, nga pagkilalohon ka nila nga ikaw lamang ang matuud nga Dios, kag ang imo ginpadala nga si Jesu-Cristo.”

ANG KASIGURUHAN SANG KALUWASAN 31

Mga Taga-Roma 8:16

Ang Espiritu gid nagasaksi upud sa aton espiritu nga mga anak kita sang Dios.

1 Juan 3:18, 19

Mga anak, dili kita maghigugma sa polong ukon sa hambal kondi sa buhat kag sa kamatooran. Sa sini makilala ta nga kita iya sang kamatooran, kag mapalig-on ang aton tagiposoon sa atubangan niya.

Juan 14:21

“Ang nagahuput sang akon mga sogo kag nagatuman sa ila, sia amo ang nagahigugma sa akon; kag ang nagahigugma sa a-

kon higugmaon sang akon Amay, kag ako magahigugma sa iya kag magapahayag sang akon kaugalingon sa iya.”

Isaias 32:17

Kag ang binuhatan sang pagkamatarung manginpaghidait, kag ang patubas sang katarungan, kalinong kag pagkalig-on nga dayon.

Mga Taga-Galacia 4:6

Kag bangud nga mga anak kamo, ang Dios nagpadala sang Espiritu sang iya Anak sa aton mga tagiposoon, nga nagasinggit, “Abba! Amay!”

32 ANG NAGA PUYO NGA CRISTO NAGA HATAG SING KALIPAY

Juan 17:13

“Apang karon nagakara ako sa imo; kag ginapamolong ko ining mga butang sa kalibutan, agud nga manginbug-os sa ila ang akon kalipay.”

Mga Taga-Roma 14:17

Kay ang ginharian sang Dios indi pagkaon kag pag-inum kondi pagkamatarung kag paghidait kag kalipay sa Espiritu Santo.

Mga Taga-Galacia 2:20

Ginlansang ako sa cruz kaupud ni Cristo; indi na ako ang nagakabuhi, kondi si Cristo nagakabuhi sa akon; kag ang kabuhi nga

ginakabuhi ko karon sa unud ginakabuhi ko sa pagtoo sa Anak sang Dios, nga naghigugma sa akon kag nagtugyan sang iya kaugalingon tungud sa akon.

Juan 15:11

“Ining mga butang napamolong ko sa inyo, agud nga ang akon kalipay manginyara sa inyo, kag ang iyo kalipay mabug-os.”

Mga Salmo 16:11

Ipakita mo sa akon ang banas sang kabuhi; sa imo atubangan yara ang kabugosan sang kalipayan, sa imo too yara ang mga kalipayan sa gihapon.

ANG PAGTUMAN SA GINO-O KINAHANGLAN 33

Deuteronomio 11:26-28a

“Yari karon, ginabutang ko sa atubangan ninyo sini nga adlaw ang pagpakamaayo kag ang pagpakamalaut: ang pagpakamaayo, kon magpamati kamo sa mga sogo sang GINOO nga inyo Dios, nga ginasogo ko sa inyo sini nga adlaw, kag ang pagpakamalaut, kon indi kamo magpamati sang mga sogo sang GINOO nga inyo Dios . . .”

1 Samuel 12:15

“Apang kon indi kamo magpamati sang tingug sang GINOO, kondi magsumpung, sa sogo sang GINOO, niyan ang kamut sang GINOO manginbatok sa inyo su-

bong nga ini batok sa inyo mga ginikanan.”

2 Mga Taga-Tesalonica 1:7-9

Kag sa inyo nga mga ginapiotan ang paghatag sing kapahuwayan kaupud namon, sa pagpahayag ni Ginoong Jesus gikan sa langit kaupud sang iya gamhanan nga mga manugtunda sa nagadabdab nga kalayo, nga nagatimalus sa mga wala nagakilala sa Dios kag sa mga wala nagatuman sang maayong balita sang aton Ginoong Jesus. Sila magaanus sing silot nga amo ang dayon nga kalaglagan kag pagpahilayo gikan sa atubangan sang Ginoo kag sa himaya sang iya gahum.

34 ANG PAG TU-AD SA KAY CRISTO KINAHANGLAN

Mga Taga-Roma 10:9, 10

Bangud nga, kon itu-ad mo sang imo baba nga si Jesus Ginoo kag magtoo sa imo tagiposoon nga ang Dios nagbanhaw sa iya, maluwas ka. Kay sa tagiposoon ang tawo nagatoo nga sa pagkamatarung, kag sa baba ang pagtuad ginahimo nga sa kaluwasan.

Mateo 10:32, 33

“Busa ang tagsatagsa nga magtuad sa akon sa atubangan sang mga tawo, itu-ad ko man sia sa atubangan sang akon Amay nga yara sa langit; apang ang bisan sin-o nga magpanghiwala sa akon sa atubangan sang mga tawo, i-

panghiwala ko man sia sa atubangan sang akon Amay nga yara sa langit.”

Lucas 9:26

“Kay ang bisan sin-o nga magkahuya sa akon kag sang akon mga polong, magakahuya sa iya ang Anak sang tawo kon magkari sia sa iya kaugalingon nga himaya kag sa himaya sang Amay kag sang balaan nga mga manugtunda.”

1 Juan 2:23

Ang bisan sin-o nga nagapanghiwala sang Anak wala man sia sang Amay. Ang nagatuad sang Anak may iya sang Amay man.

SI SATANAS — ANG ATON DAKU NGA KA-AWAY 35

2 Mga Taga-Tesalonica 2:9

Ang pagabut sang malinapason paagi sa pagpanghikot ni Satanas manginsa bug-os nga gahum kag sa butig nga mga tanda kag mga kalatingalahan.

1 Pedro 5:8

Magbut-anan kamo, magpulaw. Ang inyo kaaway nga yawa subong sang nagangurob nga leon nagaluyung, nga nagapangita sang iya tulukbon.

Mateo 4:1 kag 10, 11

Niyan si Jesus ginpataklad sang Espiritu sa kamingawan nga sulayon sang yawa. . . Niyan si Jesus nagsiling sa iya, "Palayo ka,

Satanas! kay nasulat na, 'Mag-simba ka sa Ginoo nga imo Dios kag sa iya lamang mag-alagad ka.'" Niyan ginbayaan sia sang yawa, kag yari karon, ang mga manugtunda nagabut kag nag-alagad sa iya.

Mga Binuhatan 26:18

"Sa pagpamuklat sang ila mga mata, agud nga magliso sila gikan sa kadudulman pa kapawa kag gikan sa gahum ni Satanas pa Dios, agud nga mabaton nila ang kapatawaran sa mga sala kag ang panublion sa tunga sang mga ginpakabalaan paagi sa pagtoo sa akon."

36 PAG DA-UG BATOK SA KAY SATANAS

2 Mga Taga-Tesalonica 2:8

Kag niyan ipahayag ang malinapason, kag si Ginoong Jesus magapatay sa iya sa ginhawa sang iya baba kag magalaglag sa iya paagi sa iya pagpahayag kag pag-abut.

Santiago 4:7, 8a

Busa magpasakup kamo sa Dios. Sumpunga ang yawa kag magapalagyo sia sa inyo. Magpalapit sa Dios kag sia magapalapit sa inyo.

Mga Taga-Roma 8:35 kag 37

Sin-o bala ang magapahamulag sa aton sa gugma ni Cristo? Ang kangitngitan bala, ukon kasakit, ukon paghingabut, ukon tiggulu-

tum, ukon kahubo, ukon katalagman, ukon espada? . . . Wala, sa tanan sining butang labi pa kita sa mga mandadaug paagi sa iya nga naghigugma sa aton.

2 Mga Taga-Corinto 10:4

Kay ang mga hinganiban sang amon pagpakigaway indi kalibutanon, kondi may diosnon nga gahum sa paglumpag sang mga pamakud.

1 Juan 3:8

Ang nagapakasala iya sang yawa; kay ang yawa nagapakasala kutub sa ginsuguran. Sa sining katuyoan napahayag ang Anak sang Dios agud nga malaglag niya ang mga binuhatan sang yawa.

ANG GUGMA AMO ANG TALAKSAN SANG PAG KA SUMULONUD NI CRISTO

37

1 Mga Taga-Corinto 13:1

Kon nagapamolong ako sang mga hambal sang mga tawo kag sang mga manugtunda, apang walay gugma, subong ako sang saway nga nagatonog ukon apiping nga nagatagsing.

1 Juan 3:14

Nakahibalo kita nga nagliton kita sa kamatayon pa kabuhi, kay ginahigugma ta ang mga kauturan. Ang wala nagahigugma nagapabilin sa kamatayon.

Jaun 21:16

Nagsiling sia sa iya sa ikaduha, "Simon, anak ni Juan, ginahigug-

ma mo bala ako?" Nagsiling sia sa iya, "Hoo Ginoo; ikaw nakahibalo nga ako nagahigugma sa imo." Nagsiling sia sa iya, "Tatapa ang akon mga carnero."

Mga Taga-Galacia 5:22, 23a

Apang ang bunga sang Espiritu amo ang gugma, kalipay, paghidait, pagbatas, pagkalolo, pagkayo, pagkatutum, pagkamapainubuson, pagpugung sang kaugalingon. . .

Juan 13:35

"Sa sini ang tanan nga tawo makahibalo nga kamo mga ginton-an ko, kon maghigugmaanay kamo."

38 ANG PAG KABANHAW NI CRISTO JESUS

Mga Binuhatan 10:39-41

“Kag kami mga saksi sang tanan nga ginhimo niya sa duta sang mga Judio kag sa Jerusalem. Sia ginpatay nila paagi sa pagbitay sa kahoy; apang ginbanhaw sia sang Dios sa ikatlo nga adlaw kag ginpahayag sia; indi sa bugos nga katawohan kondi sa amon nga mga saksi nga ginpili sang Dios, nga nagkaon kag nag-inum kaupud niya sa tapus nga nabanhaw sia.”

Juan 20:26-28

Sa tapus sang walo ka adlaw, liwat ang iya mga gintoton-an didto sa sulud sang balay, kag si Tomas kaupud nila. Natakup ang

mga ganhaan, apang si Jesus nag-abut kag nagtindug sa tunga nila, kag nagsiling, “Ang paghidait sa inyo.” Niyan nagsiling sia kay Tomas, “Idab-ot diri ang imo tudlo, kag tan-awa ang akon mga kamut; kag idab-ot ang imo kamut, kag ibutang sa akon kilid; dili ka magmadinuhaduhaon, kondi magmatinoohon.” Si Tomas nagsabat sa iya, “Ginoo ko kag Dios ko!”

Marcos 16:9

Karon sang nabanhaw sia sing aga pa sa nahauna nga adlaw sang semana, nagpakita sia sing una kay Maria Magdalena, nga ginsobolan niya sing pito ka yawa.

ANG PAG KABANHAW, AMO ANG ATON MAHIMAYA-ON NGA PAG LA-UM

39

Taga-Roma 1:4

Kag gintangdoan nga Anak sang Dios nga may gahum sono sa Espiritu sang pagkabalaan paagi sa pagkabanhaw, si Jesu-Cristo nga aton Ginoo.

Juan 5:25 kag 28, 29

“Sa pagkamatuid, sa pagkamatuid, nagasiling ako sa inyo, ang takna magaabut, kag karon amo na, nga ang mga patay magapamati sang tingug sang Anak sang Dios, kag ang mga nagapamati magakabuhi. . . Dili kamo matingala sini; kay ang takna magaabut nga ang tanan nga yara sa mga lulubngan magapamati sang

iya tingug kag magagowa, ang mga nakahimo sing maayo, sa pagkabanhaw nga sa kabuhi, kag ang mga nakahimo sing malaut, sa pagkabanhaw nga sa paghukom.”

Mga Taga-Roma 6:4, 5

Busa paagi sa bautismo ginlubung kita kaupud niya sa kamatayon, agud nga subong nga si Cristo ginbanhaw paagi sa himaya sang Amay, amo man kita magginawi sa bagong pagkabuhi. Kay kon nahiusa kita sa iya sa kaanggid sang iya kamatayon, kita gid mahiusa sa iya sa kaanggid sang iya pagkabanhaw.

40 ANG PAG KA BALAN SA ATON GINO-O

Lucas 1:74, 75

“Sa pagtugut sa aton nga kita, sang naluwas sa kamut sang aton mga kaaway, mag-alagad sa iya sa walay kahadluk, sa pagkabalaaan kag sa pagkamatarung sa atubangan niya sa tanan naton nga adlaw.”

2 Mga Taga-Corinto 7:1

Sanglit aton ining mga saad, mga hinigugma, tinloan ta ang aton kaugalingon sang tanan nga kadagtaan sang lawas kag espiritu, kag himpiton ta ang pagkabalaan sa kahadluk sa Dios.

1 Pedro 1:15

Kondi subong nga ang nagtagwag sa inyo balaan, magpakaba-

laan man kamo gid sa tanan nga paggawi.

2 Timoteo 2:21

Kon ang bisan sin-o magpaninlo sang iya kaugalingon gikan sa didungganon, niyan manginsuludlan sia nga galamiton sa kadungganon, nga pinakabalaan kag mapuslanon sa agalon sang balay, nga handa sa bisan anong mayong buhat.

1 Pedro 1:2

Nga pinili kag tinangdo sang Dios nga Amay kag ginpakabalaan sang Espiritu nga sa pagtuman kag pangwisik sang dugo ni Jesu-Cristo: Ang bugay kag paghidait pagpaukaron sa inyo.

ANG PAG KA BALAN SA ATON GINO-O 41

Isaias 35:8

Kag manginmay dakung dalan didto, kag tawgon ini nga Alagyan sang Pagkabalaan; ang dimatinlo indi makaagi sa sini, kondi ini manginsa manlalakat nga mga tawo, kag ang mga buangbuang indi makadalang sa sini.

Mga Hebreo 13:12

Gani si Jesus man nag-antus sa luwas sang gawang agud nga mapakabalaan niya ang katawohan paagi sa iya kaugaligon nga dugo.

1 Juan 1:9

Kon itu-ad ta ang aton mga sala, matutum kag matarung sia,

kag magapatawad sang aton mga sala kag magatinlo sa aton sa tanan nga pagkadimatarung.

Mateo 3:11

“Ako nagabautiso sa inyo sa tubig nga sa paghinulsul, apang ang nagasonod sa akon gamhanan pa sa akon, nga ang sandalias niya indi ako takus sa pagdala; sia magabautiso sa inyo sa Espiritu Santo kag sa kalayo.”

Mga Taga-Efeso 1:4

Subong nga ginpili kita sang Dios sa kay Cristo sa wala pa mapasad ang kalibutan, agud nga magbalaan kita kag walay kawayan sa iya atubangan.

42 **ANG MGA TAWO NGA NAPUN-AN SANG ESPIRITU SANTO**

Mga Binuhatan 13:52

Kag ang mga gintoton-an napun-an sang kalipay kag sang Espiritu Santo.

Ezequiel 36:27

“Kag ibutang ko sa sulud ninyo ang akon Espiritu, kag palakton ko kamo sa akon mga palatukuran kag magabantay kamo sang akon mga pagsolondan kag magahimo sa ila.”

Lucas 11:13

“Niyang kon kamo, nga malaut, makahibalo maghatag sing mayong mga dolot sa inyo mga anak, daw ano pa gid bala nga

ang inyo Amay nga langitnon magahatag sang Espiritu Santo sa mga nagapangayo sa iya?”

Mga Binuhatan 4:31

Kag sang nakapangamuyo sila, nag-uyug ang duug diin sila nagtipon sing tingub kag napuno sila tanan sang Espiritu Santo kag nagpamolong sila nga may kasidla sang polong sang Dios.

Mga Taga-Roma 8:9

Apang kamo wala sa unud, kondi sa Espiritu, kon matuud nga ang Espiritu sang Dios nagapuyo sa inyo. Ang bisan sin-o nga walay Espiritu ni Cristo indi iya sila.

ANG MGA MAKATILINGALA NGA MGA 43 PANA-AD SA MGA CRISTOHANON

1 Pedro 4:12, 13

Mga hinigugma, dili kamo matingala nahanungud sang kalayohon nga pagtilaw sa tunga ninyo nga nagaabut sa pagtilaw sa inyo, subong nga daw ang kalatingdahan nga butang nahanabu sa inyo. Apang sa bagay nga mga umalambit kamo sang mga pag-antus ni Cristo magkalipay kamo, agud nga sa pagpahayag sang iya himaya man magkalipay kamo sa lakas nga kalipay.

Mga Salmo 37:3

Salig sa GINOO, kag himoa ang maayo; puyo sa duta kag kaon sa iya katutum.

Bugna 21:4

“Pahiran niya ang tagsa ka luha sa mga mata nila, kag wala na sing kamatayon, ukon kalisud ukon paghibi ukon kasakit pa, kay ang nahaunang mga butang nagtaliwan.”

Isaias 66:2

“Kay ini tanan nga butang gin-himo sang akon kamut, kag ini tanan nga butang nangin-amo, nagasiling ang GINOO. Apang sa sining tawo magatolok ako, sa iya nga makalolooy kag nahinulsulon sa espiritu, kag nga nagakurug sa akon polong.”

44 MGA PANA-AD SA MGA GUINA TILAWAN

Mga Hebreo 2:18

Kay bangud nakaantus sia kag ginsulay, sarang sia makatabang sa mga ginasulay.

Isaias 43:2

“Kon mga-agi ka sa mga tubig ako magaupud sa imo; kag sa mga suba indi sila maglapaw sa imo; kon mag-agi ka sa kalayo, indi ka masonog, kag ang dabdab indi magdukut sa imo.”

Mga Taga-Roma 8:28

Nahibaloan naton nga sa tagsa ka butang ang Dios nagapanghi-kot nga sa ikaayo upud sa mga nagahigugma sa iya, ang mga ginatawag sono sa iya tinutuyo.

1 Mga Taga-Corinto 10:13

Walay pagsulay nga nakaabut sa inyo nga indi masarangan sang tawo. Ang Dios matutum, kag indi magtugut nga sulayon kamo labaw sa inyo masarangan, kondi kaupud sang pagsulay magahatag man sing lulutsan, agud nga makasarang kamo sa pagbatas.

Mga Salmo 34:19

Madamu ang kapipit-an sang matarung; apang ang GINOO nagaluwas sa iya sa sini tanan sa ila.

Mga Taga-Roma 16:20

Niyan ang Dios sang paghidait magdugmok sa madali kay Sata-nas sa idalum sang inyo mga tiil.

Bugna 21:7

“Ang nagadaug magapanubli sini, kag ako mangin-iya Dios kag sia mangin-akon anak.”

Bugna 3:21

“Ang nagadaug, palingkoron ko sia kaupud nakon sa akon trono, subong nga ako nagdaug man kag naglingkod kaupud sa akon Amay sa iya trono.”

Bugna 3:5

“Ang nagadaug panaptan sing mga panapton nga maputi, kag indi ko pagpanason ang iya ngalan sa tolon-an sang kabuhi; itu-ad ko ang iya ngalan sa atubangan sang akon Amay kag sa atubangan sang iya mga manugtunda.”

Bugna 2:7

“Ang may idulungug, magpamati sia sang ginasiling sang Espiritu sa mga iglesia. Ang nagadaug pakaonon ko sang kahoy sang kabuhi, nga yara sa sulud sang paraiso sang Dios.”

Bugna 3:12

“Ang nagadaug, himoon ko sia nga haligi sa templo sang akon Dios; indi na gid sia maggowa gikan sini, kag isulat ko sa iya ang ngalan sang akon Dios, kag ang ngalan sang banwa sang akon Dios, ang Bag-ong Jerusalem nga nagapanaug halin sa langit gikan sa akon Dios, kag ang akon bagong ngalan.”

46 **ANG DIOS NAGA HAMBAL SA ATON NATUNGUD SANG PAG BULAGAY**

**1 Mga Taga-Corinto
7:10, 11 kag 39**

Nagatugon ako sa mga minyo, indi ako kondi ang Ginoo, nga ang asawa dili magbulag sa bana (apang kon magbulag sia, magpa-dayon sia nga diminyo ukon sa baylo sini magpasag-uli sa iya bana) — kag nga ang bana dili magbulug sa iya asawa. . . Ang asawa nahigtan samtang buhi ang iya bana. Kon ang bana mapatay, hilway sia sa pagpamana sang buut niya, lamang sa Ginoo.

Mga Taga-Roma 7:2, 3

Sa amo ang babayi nga nakasal nahigot sang kasogoan sa iya ba-

na samtang nga buhi sia; apang kon mapatay ang bana mahilway sia sa kasogoan nahanungud sa bana. Gani, kon sia nagapanga-buhi upud sa iban nga lalaki samtang buhi ang iya bana, tawgon sia nga makihilahion. Apang kon mapatay ang bana mahilway sia sa sinang kasogoan, kag indi sia makihilahion kon pangasaw-on sia sang iban nga lalaki.

Lucas 16:18

“Ang tagsatagsa nga nagabulag sa iya asawa kag nagapangasawa sing lain nagapanglahi, kag ang nagapangasawa sa isa nga binulagan sang iya bana nagapanglahi.”

ANG IKADUHA NGA PAG KARI NI CRISTO 47

Mateo 24:27

“Kay subong sang kilat nga nagaidlab sa sidlangan kag makita tubtub sa katundan, amo man ang pag-abut sang Anak sang tawo.”

Juan 14:3

“Kag kon ako makakadto kag makaaman sa inyo sing duug, magabalik ako kag dalhon ko kamo kaupud nakon, agud nga kon diin ako didto man kamo.”

Mateo 24:30

“Niyan magapahayag ang tanda sang Anak sang tawo sa langit, kag niyan magakasubu ang tanan nga kabikahan sa duta, kag makita nila nga nagakari ang Anak

sang tawo sa ibabaw sang mga panganud sa langit nga may gahum kag daku nga himaya.”

Santiago 5:8

Magpailub man kamo. Paligona ang inyo mga tagiposoon, kay ang pag-abut sang Ginoo malapit na.

Marcos 8:38

“Kay ang bisan sin-o nga magkahuya sa akon kag sang akon mga polong sa sining kaliwatan nga makilahion kag makasasala, ang Anak sang tawo magakahuya man sa iya, kon magkari sia sa himaya sang iya Amay upud sang balaan nga mga manugtunda.”

48 **ANG IKADUHA NGA PAG KARI NI CRISTO**

1 Juan 3:2

Mga hinigugma, karon mga anak kita sang Dios; wala pa mapahayag kon mangin-ano kita, apang nabibaloan ta nga kon magpahayag sia manginkaangay kita niya, kay makita ta sia subong nga sia gid.

Bugna 16:15

“Yari karon, nagakari ako subong sang makawat! Bulahan ang nagamata, nga nagatipig sang iya mga panapton agud nga indi sia maglakat nga hublas kag makita nga hubo!”

Mga Binuhatan 1:11

Kag nagsiling, “Mga tawo sa Galilea, ngaa bala nagatindug

kamo nga nagatolok sa langit? Ining Jesus, nga ginbayaw pa langit gikan sa inyo, magabalik sa amo nga bagay subong nga nakita ninyo sia nga nagapalangit.”

Mateo 16:27

“Kay ang Anak sang tawo magakari sa himaya sang iya Amay upud sang iya mga manugtunda, kag ugaling magatumbas sia sa tagsa ka tawo sono sa iya binuhatan.”

Lucas 12:40

“Maghanda man kamo; kay sa takna nga wala ninyo ginabunahuna magakari ang Anak sang tawo.”

ANG POLONG SANG DIOS

2 Pedro 1:21

Kay wala gid sing tagna nga nag-abut bangud sa kabubut-on sang tawo, kondi ang mga tawo nga gintandug sang Espiritu Santo nagpamolong gikan sa Dios.

Mga Salmo 119:105

Ang imo polong suga sa akon mga tiil kag kapawa sa akon banas.

Mga Hebreo 4:12

Kay ang polong sang Dios buhi kag gamhanan, matalum pa sa bisan ano nga espada nga duha sing sulab, nga nagalapus tubtub sa natutlan sang kalag kag espiritu, sang mga lutalutahan kag utuk, kag na-

gahantup sang mga hunahuna kag mga tinutuyo sang tagiposoon.

Mga Salmo 119:11

Ang imo polong gintipigan ko sa akon tagiposoon, agud nga indi ako makasala batok sa imo.

Lucas 21:33

Ang langit kag ang duta magataliwan, apang ang akon mga polong indi magtaliwan.

2 Timoteo 3:16

Ang bug-os nga kasulatan ginbugna sang Dios kag mapuslanon sa pagpanudlo, sa pagsabdong, sa pagsaway, kag sa paghanas sa pagkamatarung.

Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:

World Missionary Press, Inc.
Box 120
New Paris, Indiana 46553 U.S.A.

Philippines

Iloilo CapiZ

Panay Negros Occidental

Visayas

HIL

33 Ilongo Hiligaynon

4M

1